

約結斷而作四句何故此中不約結斷作四句耶答有處說結斷名盡名滅無處說結斷名不現故

說一切有部發智大毗婆沙論卷第十三 造三
擗手上竹反客下易遷賀反膜第1計挑出土

形反童目鄙陋碑美反嗤笑之反脅脇業反虛瞳子音
居逆反胡蘿雜下音妙尺小反如冠貴下音爪之巧反戟
下音朝稍上音鼓頸下思反指環還下音砦
吾對反磨上音澀溢字瑜伽上音狹威夾皆口反
莫賀反邬陀古一反羅筏伐下音親身上初近反揩

阿毗達磨大毗婆沙論卷第十四 造四

五百大阿羅漢等造 三藏法師玄奘奉詔譯

雜蘊第一中智納息第二之六
諸過去彼一切盡耶答應作四句過去有二種如前說盡亦有二種如過去說此中俱依二種作論過去與盡互有廣狹故作四句有

過去非盡謂如具壽鄒陀夷言一切結過去乃至廣說過去者是第二過去非盡者非初盡佛身現在已斷盡故有盡非過去謂如佛言此聖弟子已盡地獄已盡傍生已盡餓鬼已盡所有嶮惡趣坑問此中已盡地獄者顯聖弟子已盡地獄已盡傍生者顯此已盡傍生已盡餓鬼者顯此已盡餓鬼已盡所有嶮惡趣坑者顯此更何所盡耶答即顯上三然前廣後略前別後摠前漸後頓前分別後不分別有說已盡地獄傍生餓鬼者顯此已盡三惡趣自性已盡所有嶮惡趣坑者顯此已盡彼中有有說已盡地獄等者顯已盡地獄等已盡所有嶮惡趣坑者顯已盡人中肩攬半擇迦無形二形彼是人中嶮惡趣坑故有說前顯已盡地獄傍生餓鬼後顯已盡住不律儀彼當墮嶮惡趣坑故有說前顯已盡地獄傍生餓鬼後顯已盡造五無間業彼無間生墮地獄故有說前顯已盡地獄傍生餓鬼

後顯已盡斷善根者以斷善者如嶮惡趣坑故若不續善根死必墮地獄故有說前顯已盡地獄等果後顯已盡地獄等因如契經說汝等苾芻若見行身語意惡行者應知已見地獄或餘惡趣有說前顯已盡地獄傍生餓鬼後復言已盡所有嶮者重顯已盡地獄以地獄中無善果故惡趣者重顯已盡餓鬼彼常貧窮乏資緣故坑者重顯已盡傍生身心墮彼難可出故有成劫時生彼壞劫時方命終故有說前顯已盡地獄傍生餓鬼後復言已盡所有嶮惡趣坑者皆重顯已盡三惡趣果謂三惡趣皆是極嶮衆惡所趣所墮坑故問今地獄中猶有種種鑊湯爐炭及獄卒等無量苦具如何言盡耶答不往不生故說爲盡謂聖弟子不復往彼處不復生彼蘊界處故此已得彼非擇滅故問亦有異生得地獄等非擇滅者何故但說聖弟子耶答諸聖弟子皆已盡故異生品中有未盡者是故不說

造四

二

問諸聖弟子亦盡人天何故但言盡地獄等答此中但說一切盡者諸聖弟子於人天趣有未盡者故不說之是謂盡非過去盡者是第二盡非過去者非初過去有過去亦盡謂所有行已起等起乃至廣說此皆顯示過去諸行過去者是世過去盡亦余有非過去亦非盡謂除前相此中相聲義如前釋廣說乃至此復云何謂除一切過去世法現在佛身未來聖弟子地獄等蘊界處取餘現在一切未來及無爲法作第四句

復次若依結斷說者此中依言顯所憑義前四句中依世盡及不生盡說盡言今四句中依斷煩惱得擇滅盡建立盡名有結過去非盡謂結過去未斷未偏知未滅未變吐未斷者未立斷偏知未偏知者未立智偏知未滅者未得擇滅未變吐者未弃彼得有說未斷者未以無間道斷未偏知者未以解脫道偏知未滅者未證彼離繫得未變吐者未捨彼

繫得有說此四句皆顯未弃捨義此復云何謂諸異生若具縛者過去三界見修所斷結已離欲染未離初靜慮染者過去入地見修所斷結乃至已離無所有處染者過去一地見修所斷結若聖者具縛入正性離生位苦法智忍時過去三界見修所斷結苦法智已造四

生苦類智未生過去色無色界見苦所斷及三界見集滅道修所斷結乃至道法智已生道類智未生過去色無色界見道所斷及色界修所斷結預流者過去三界修所斷結一來者過去欲界修所斷三品及色無色界修所斷結不還者若未離初靜慮染過去八地修所斷結乃至若已離無所有處染過去一地修所斷結是謂結過去非盡有結盡非過去謂結未來已斷已遍知已滅已變吐已斷者已立斷遍知已遍知者已立智遍知已滅者已得擇滅已變吐者已弃彼得有說已斷者已以無間道斷已遍知者已以解脫道遍

知已滅者已證彼離繫得已變吐者已捨彼繫得有說此四句皆顯已弃捨義此復云何謂阿羅漢未來三界見修所斷結若不還者已離無所有處染未來三界見所斷及八地修所斷結乃至未離初靜慮染者未來三界見所斷及一地修所斷結若一來者未來三界見所斷及欲界六品修所斷結若預流者未來三界見所斷結若隨信隨法行道法智已生道類智未生未來三界見苦集滅所斷及欲界見道所斷結乃至苦法智已生苦類智未生未來欲界見苦所斷結若諸異生已離無所有處染未來入地見修所斷結乃至已離欲染未離初靜慮染未來一地見修所斷結是謂結盡非過去有結過去亦盡謂結過去已斷已遍知已滅已變吐已斷等言如前廣說此復云何謂阿羅漢過去三界見修所斷結廣說乃至若異生已離欲染未離初靜慮染過去一地見修所斷結是謂結過去

亦盡有結非過去亦非盡謂結未來未斷未遍知未滅未變吐及結現在未斷等言如前廣說此復云何謂諸異生若具縛者未來三界見修所斷結廣說乃至若不還者已離無所有處染未來一地修所斷結及一切現在結是謂結非過去亦非盡

造四

諸過去彼一切滅耶答應作四句過去有二種如前說滅亦有二種一世滅二隱沒滅此中俱依二種作論過去與滅互有廣狹故作四句有過去非滅謂如具壽鯻陀夷言一切結過去乃至廣說過去者是第二過去非滅者非二種滅佛身現在非隱沒故有滅非過去謂依世俗小街小舍小器小眼言是滅街乃至滅眼謂東方人見小街等說言此滅即依此義可作是言頗有眼滅能見色耶答有謂現在世同分小眼是謂滅非過去滅者是第二滅非過去者非初過去有過去亦滅謂所有行已起等起乃至廣說此皆顯示過去

諸行過去者是世過去滅亦余有非過去亦非滅謂除前相此中相聲亦如前說廣說乃至復云何謂除一切過去世法現在佛身及小街等取餘現在一切未來及無爲法作第四句復次若依結斷說者此中依言義如前說前四句中依世滅及隱沒滅說滅言今

四句中依斷煩惱得擇滅滅建立滅名有結過去非滅謂結過去未斷未徧知未滅未變吐廣說乃至有結非過去亦非滅謂結未來未斷未徧知夫滅未變吐及結現在此中一切義如前說

如是所說五句中前三句依世施設及

造四

聖施設說作世語言及聖語言說依世俗及勝義說依契經及現見說後二四句惟依聖施設聖語言勝義契經說問後二四句中何故但說結不說結法耶答彼作論者意欲少故乃至廣說有說應說而不說者當知此義有餘有說已說結當知亦已說結法所以者

何依結立結法故又同一對治故有說諸結
自性斷斷已不成就是故說之結法不定是
故不說有說諸結多諸過失堅牢難斷難破
難越は故說之結法不尔是故不說有說諸
結與聖道相違結法不尔以善有漏能與聖
道相入出故無覆無記能與聖道爲依止故
然與結相離故亦是聖道所斷如燈破闇時
亦損性等王破他軍時亦損自衆有說諸結
是結亦是結法是故說之結法非結是故不
說如結結法縛縛法隨眼隨眠法隨煩惱隨
煩惱法纏纏法垢垢法應知亦尔
若於苦生疑此是苦耶此非苦耶乃至廣說

問何故作此論答爲欲分別契經義故如契
經說有因論婆羅門來詣佛所作如是問沙
門喬答摩疑甚爲希有難度非易度世尊告
言如是如是婆羅門疑甚爲希有難度非易
度所以者何有古昔婆羅門造明論者造呪
術者上首有十一類瑟擗迦二婆莫迦三婆

莫提婆四毗濕縛蜜多羅五闍莫鐸耆尼六
鳩耆羅七跋羅墮闍八婆死瑟撓九迦葉波
十勃栗瞿如是等諸婆羅門世雖尊敬皆不
是說而不廣分別彼經是此論所依根本彼
所不說者今應說之故作斯論若於苦生疑
此是苦耶此非苦耶當言一心多心耶答應
言多心謂此是苦耶是一心此非苦耶是第
二心於集滅道生疑亦尔此中耶聲顯成疑
義若但說此是苦便成正見此非苦便成邪
見乃至於道亦尔由說邪聲故成疑義如是
於苦乃至於道各有二心總成八心此說極
速於四聖諦次第疑者有此八心如現觀時
造四
從苦法智忍乃至道類智十六剎那有說此
八非八剎那以一心生滅速疾若作是念
此是苦耶中間已經百千生滅餘心亦尔但
本論師欲令弟子易解了故說多剎那以爲

六
一心行相等故

頗有一心有疑無疑耶乃至廣說問何故作此論答爲令疑者得決定故謂阿毗達磨者說一心聚有多法俱生於中有是猶豫謂疑有是決定謂慧有非猶豫非決定謂餘心所勿有生疑即有疑心是無疑心即無疑心是有疑心爲令此疑得決定故顯有疑心異無

疑心異故作斯論頗有一心有疑無疑耶答無問此言爲約心聚爲約所緣說耶若約心聚說者則一心聚中有是疑有非疑如前已說何故言無若約所緣說者則於一佛心有有疑謂異生有無疑謂聖者亦不應言無何故答言無也答此約心聚故答言無謂諸心聚若有疑者名有疑心若無疑者名無疑心是故有疑心異無疑心異然此中說無疑心者於四聖諦或了是有或撥爲無非但與疑不相應起所以者何謂於苦諦若言此是苦耶此心有疑若言此是苦此心無疑若言此非苦耶此心有疑若言此非苦此心無疑於

造四

七

集滅道應知亦余應知此中有十六心於四聖諦各有四故謂八是疑四是正見四是邪見前四種疑引四正見後四種疑引四邪見謂此是苦等是正見此非苦等是邪見故問何等補特伽羅疑能引生正見何等補特伽羅疑能引生邪見答若好與此法共住者彼疑引生正見若好與外道共住者彼疑引生邪見復次若樂習內論者彼疑引生正見若樂習外論者彼疑引生邪見復次若愛親近善士聽聞正法者彼疑引生正見若愛親近不善士聽聞不正法者彼疑引生邪見復次若因力加行力不放逸力增上者彼疑引生正見若因力加行力不放逸力非增上者彼疑引生邪見

如契經說有三種冥身謂於三世疑惑猶豫問冥身自性應是無明何故說疑惑彼相似故謂諸煩惱中無有不了行相與無明相似猶如疑惑者是故說疑惑有說冥身自性實是無

明疑是無明依處舍宅是故說疑如施設論說疑是無知依處舍宅故有說疑與無明親近住故謂若有疑處必有無明如世於親說彼我是故說疑有說疑與無明相類同故謂彼於境俱不決定二分而轉是故說疑有說彼經為成不成法故謂無明為冥身自性不說自成而疑亦有冥身之義然不顯了是說緣無為疑耶答應說而不說者當知此義有餘有說彼經依多分說謂多緣出起此冥身少緣無為是以不說有說有為麤顯於中生疑聖所訶責說為冥者無為微細難可覺了於中生疑聖不訶責是以不說如晝顛蹶爲世所訶說為盲者夜分顛蹶世則不訶彼亦如是有說外道於世起增上愚疑惑猶豫是故偏說如契經言我於過去為曾有為非曾有何所曾有云何曾有我於未來為當有為非當有何所當有云何當有於內猶豫此

物是何此物云何當何所有如是有情生從何來沒往何所外道於世數起如是增上猶豫是故偏說有說若愚若智內道外道世間論者乃至童豎皆知有世謂彼皆了有去來今而於中疑甚為盲冥故說冥身涅槃離相極難覺了雖猛利智猶不能窮故於彼疑此中不說有說佛觀未來有諸弟子撥無過未故說於世起疑惑者名為冥身

如契經說有五種心裁一者疑佛二者疑法三者疑戒四者疑教五者瞋僧如彼經說有五心裁云何為五謂於大師及法戒教疑惑猶豫不悟入不信解不害心裁於佛所讚歎有智同梵行者瞋恚毀罵陵辱觸惱不害心裁問此五心裁以何為體答疑瞋為體前四是疑第五是瞋問瞋可余疑云何如契經說裁有三種謂貪瞋癡品類足論亦作是說瞋云何謂於有情作損害作裁葉無處說疑為裁自性此中何以說耶答彼相似故謂諸煩

惱中無有非裁自性而作裁事猶如疑者如施設論說疑覆蔽心令心剛強作裁蘖事尚不令心得邪決定況正決定譬如良田若不耕墾即便堅鞭多諸株杌穢草不植何況嘉苗有說疑與瞋恚行相所對俱相似故說爲心裁行相相似者俱感行相轉故所對相似

造四

九

者俱對懲行相故問何故疑佛說爲心裁非疑僧耶答不應生處而妄生者說名心裁佛無一切惡行過失而生猜疑是名非處於法戒教應知亦余僧有少分惡行過失而猜疑者是應處起不名心裁問何故瞋僧說名心裁非瞋佛耶答僧有少分惡行過失緣之生瞋性必尤重故名心裁佛無一切惡行過失

生瞋則輕是故不說於法戒教應知亦余有餘師說於非重過施設心裁於僧生疑其過則重以應處起難可斷故不名心裁佛無諸過而能緣之生瞋性必尤重難斷亦非心裁於法戒教亦復如是

云何多名身乃至廣說問何故作此論答是作論者意欲余故乃至廣說有說爲欲分別契經義故如契經說苾芻當知如來出世便有名身句身文身出現世間雖作是說而不分別云何名身句身文身今欲分別故作斯論有說爲令疑者得決定故謂此論中分別種種甚深妙義或有生疑論者於義雖得善巧而於其文或不善巧爲令此疑得決定故顯於文義俱得善巧故作斯論有說爲止他宗顯已義故謂或有執名句文身非實有法如譬喻者或復有執名句文身聲爲自性如聲論者爲止彼執顯名身等是實有法是不相應行蘊所攝故作斯論有說欲顯世尊三無數劫所設劬勞有大果故謂佛過去無量劫前應得滅度所以經於三無數劫修習百千難行苦行但爲利他夫利他者必於名身句身文身皆得善巧以善巧故能爲他說蘊界處等令得涅槃究竟饒益是名大果有說

爲欲建立三種善提增上緣故謂若以上品覺慧覺名句文身名佛善提若以中品覺慧覺名句文身名獨覺善提若以下品覺慧覺名句文身名聲聞善提有說欲顯佛是無量無邊說法者故謂佛善達名句文身能爲衆生說法無盡有說欲顯世尊異獨覺故謂佛

造四

十

獨覺皆不由師自能覺悟而於名等惟佛善知獨覺不尠有說爲欲照了雜染清淨二法本若無名等雜染清淨不可顯示有說欲顯於名身等觀察不觀察者引大義利大衰損故謂修行者若能觀察名句文身則能制伏

造四

十一

猶如積山煩惱惡行雖遭罵辱能堪忍故若不觀察名句文身則煩惱惡行如河流不絕如罵太子毗盧釋迦言婢子何以昇我釋種堂彼以不能觀察如是四五字故牽引無量百千衆生墮大地獄問彼修行者得他罵時云何觀察令瞋不起答所言阿俱盧舍縵者

是爲罵我若除阿字但是喚我若除縵字直是罵聲若二字俱除直名爲喚彼修行者得他罵時便審觀察此諸字中若無阿者便是喚我何爲生瞋若無縵者但有罵聲不關於我何由得瞋若二字俱無直名爲喚於我何苦而得生瞋復次行者得他罵時便審觀察如是諸字此方是罵他方是讚我若於此生瞋常貪誰有疲苦與我比者由此觀察便不生瞋復次行者得他罵時便審觀察有讚我者更無別字但於罵我諸字之中顛倒次比此讚與罵既不波定不應於中生憂生喜由此於罵不生瞋心復次行者得他罵時應審觀察如是語業誰所成就爲是罵者爲是我身即知此是罵者成就便作是念彼爲自罵何關於我故不生瞋復次行者得他罵時便觀罵者身中諸法罵我法多不罵法多即知罵法惟攝一界一處一蘊少分不罵法攝十

七界一界少分十一處一處少分四蘊一蘊
多何爲忘多於少生恚復次行者得他罵時
應觀一字一刹那頃必不成罵無有多字多
念俱生前字生時後字未起後字若生前字
已滅都無罵理但妄分別謂之爲罵故不應

瞋復次行者得他罵時應觀我身及能罵者
皆念念滅適欲分別罵者及我皆已滅無誰
復於誰應生瞋恨由此觀察故不生瞋復次
行者得他罵時應觀諸行離我我所作者受
者皆不可得惟空行聚何爲生瞋有說所以
作此論者爲顯此論文義具故謂此論中分

別諸法自相共相名爲義具此中分別名句
文身名爲文具有說爲顯名句文身有大用
故謂由名等顯示分別蘊界處等無量義門
及能讚述佛法僧寶無邊功德由如是等種
種因緣故作斯論

云何多名身答謂名名号異語增語想等想

假施設是謂多名身此中論者於文善巧以
多文句共顯一名皆是名之差別名故問此
中何故問多名身而不問名及名身耶答是
作論者意欲専故乃至廣說有說應問而不
問者當知此義有餘有說名與名身二俱攝
在多名身中問多名身則爲都問有說此是

契經所說不應問作論者契經但問多名身
故論者於中不能增減問若専何故問多名
身而答以名答名是根本名滿名身名身復
滿多名身故有說依展轉因故作是說如子
孫法謂依名有名身依名身有多名身故問
名體是何答是不相應行蘊所攝句文亦専

造四

十一

問何故名名答名者名爲隨名爲召名爲合
隨者如其所作即往相應召者爲此義立如
求便應合者隨造頌轉令與義會此中名具
三義故名爲名心心所法有隨有召而無合
義故不名名餘不相應色無爲法有隨有合
而無召義故亦非名問名身者是何義答是

二名聚集義是故一名不名名身問多名身是何義是多名聚集義如一象二象不名多象身要衆多象名多象身馬等亦余句身多句身文身多文身亦復如是此中有名有名身有多名身有一字所起名有二字所起名有多字所起名一字所起名中於一字但有名於二字有名身多名身者有欲令依三字有欲令依四字二字所起名中於二字但有名於四字有名身多名身者有欲令依六字有欲令依八字三字所起名中於三字但有名於六字有名身多名身者有欲令依九字有欲令依十二字四字所起名中於四字但有名於八字有名身多名身者有欲令依十二字有欲令依十六字以此爲門餘多字名應知亦余有餘師說一字所起名中於一字一呼但有名即於此字再呼有名身即於此字或三呼或四呼有多名身於二字所起名等應知亦余

造四

士三

云何多句身答諸句能滿未滿足義於中連合是謂多句身爲成此義引經爲證如世尊說諸惡莫作諸善奉行自淨其心是諸佛教如是四句各能滿足未滿足義於中連合是謂多句身如是四句一一能滿各自句中未滿足義於中連合者於四句中一一各別連合諸字顯未滿義或復連合諸句顯成頌義爲多句身一句中有標有釋謂諸惡者是標莫作者是釋乃至是諸佛者是標教者是釋故此頌中有四事滿一標二釋三句四頌若說諸惡於標名滿於釋於句於頌未滿復說莫作於標釋句三種名滿於頌未滿復說諸善若於標釋句滿若於別句標滿非餘乃至復說是諸佛者若於標釋句滿若於別句標滿非餘復說教者一切皆滿此頌處中不長不短八字爲句三十二字爲頌諸經論頌多依此法計書寫數亦依此法又從六字乃至二十六字皆得爲句然六字者

名爲初句二十六字者名爲後句減六字者
名短句過二十六字者名長句

云何多文身答諸字衆是謂多文身爲成此
義引經爲證如世尊說

欲爲頌本文即是字 頌依於名 及造頌者
此中欲者是欲造頌欣喜愛樂爲頌本者此

欲是頌因集生緣文即是字者巧便顯了故
名爲文此即是字無轉盡故此即顯示能顯
頌文以字爲體頌依於名者頌是假有依名
而立亦依文句且說依名此中依言如林依
樹及造頌者者思惟觀察作諸伽他名造頌
者頌依造者如蛇依穴水依於泉乳依乳房
與依名異

應知此中有名有名身有多名身有句有句
身有多句身有文有文身有多文身於一字
有名無名身無多名身無句無句身無多句
身有文無文身無多文身於二字有名有名
身無多名身無句無句身無多句身有文有

文身無多文身於四字有名有名身有多名
身無句無句身無多句身有文有文身有多
文身於八字有名有名身有多名身不句無
句身無多句身有文有文身有多文身於十
六字有名有名身有多名身有句有句身無
多句身有文有文身有多文身於三十二字
有名有名身有多名身有句有句身有多句
身有文有文身有多文身由此爲門於諸字
衆所說多少如理應知

說一切有部發智大毗婆沙論卷第十四 造四

扇撓半擇迦

撓四佳反黃門撓

蹕蹶

瑟所拂

拂竹客

鐸耆

上徒各反

蹕蹶

上音頭

勒栗上蒲沒反

童堅

下音

裁蘖

下魚

耕墾

下音

懇堅硬下力吉反

猜疑

上七亦作顛反

株杌

下吾背反

杌